

法苑珠林卷第十七

冠七

唐西明寺沙門釋道世撰

普賢部第六

感應緣

略引四驗

宋路昭太后

沙門釋道溫

沙門釋道罔

齊沙門釋普明

宋路昭太后大明四年造普賢菩薩乘寶舉
白象安於中興禪房因設講于寺其年十月
八日齋畢解座會僧二百人于時寺宇始構

帝甚留心輦蹕臨幸旬必數四僧徒勤整禁
衛嚴肅爾日僧名有定就席久之忽有一僧
預于座次風貌秀舉闔堂驚矚齋主與語往
還百餘言忽不復見列筵同覩識其神人矣
宋大明年中有寺統法師名道溫居在秣陵
縣既見皇太后睿鑒冲明聖符幽洽滌思淨
場研襟至境固以聲藻震中事靈梵表迺創
思鎔斲抽寫神華模造普賢彩儀盛像寶傾
宇宙珍妙盡天飾所設講齋訖今月八日親會
有限名薄索定引次就席數無盈減轉經將

半景及昆吾忽覩異僧預于座內容止端嚴氣貌秀發舉衆矚目莫有識者齋主問曰上人何名答曰名慧明問住何寺答云來自天安言對之間倏然不見闔堂驚魂遍筵肅慮以爲明祥所賁幽應攸闡紫山可覩華臺不遠蓋聞至誠所感還景移緯澄心所殉發石開泉況帝德涵運皇功懋洽仁洞乾遐理暢冥外故上王盛士冠表大明之朝勸發妙身躬見龍飛之室意若曰陛下慧燭海縣明華日月故以慧明爲人名繼天興祚式垂無疆

故以天安爲寺稱神基彌遠道政方凝九服識泰萬寓齊悅謹列言屬縣以證天休宋沙門釋道問扶風好時人也本姓馬氏學業淳粹弱齡有聲元嘉二年九月在洛陽爲人作普賢齋道俗四十許人已經七日正就中食忽有一人袴褶乘馬入至堂前下馬禮佛問謂常人不加禮異此人登馬揮鞭忽失所在便見赤光赫然竟天良久而滅後三年十二月在白衣家復作普賢齋將竟之日有二沙門容服如凡直來禮佛衆中謂是庸僧五十七

不甚尊仰聊問何居答曰住在前村時衆白衣有張道覺其有異至心禮拜沙門出門行可數十步忽有飛塵直上衝天追目此僧不復知所向以七年與同學來遊京師時司空何尚之始構南澗精舍問寓居焉夜中忽見四人乘一新車從四人傳教來在屋內呼與共載道問驚其夜至疑而未言因眼閉不覺昇車俄而至郡後沈橋見一貴人著帙被箋布單衣坐牀燭繖形似華蓋鹵簿從衛可數百人悉服黃衣見問驚曰行般舟道人精心

遠詣旨欲知其處耳何故將來即遣人引送問還至精舍門外失所送人門閉如故扣喚久之寺內諸僧咸驚相報告開門內之視所住房戶猶故關之右三驗出冥祥記云

齊上定林寺有釋普明姓張臨渭人少出家

稟性清純蔬食布衣以懺誦爲業誦法華維摩二經及諷誦之時有別衣別座未嘗穢雜每至勸發品輒見普賢乘象立在其前誦維摩經亦聞空中唱樂又善神呪所救皆愈有鄉人王道真妻病請明來呪明入門婦便閼

絕餓見一物如狸長數尺許從狗竇出因此而愈明嘗行水傍祠巫覡自云神見之皆奔

走以宋孝建中卒春秋八十有五

右一驗出唐高僧傳

益州孫道德 河內竇傳

遼城劉度

宋新興張興

居士宋琰

魏沙門釋道泰

定州孫敬德

沙門釋法力

觀音部第七

感應緣略引十
八驗

秦尚書徐義

東平畢覽

晉沙門竺法義

沙門竺法純

沙門釋開達

太原郭宣之

吳郡潘道秀

居士樂苟

沙門釋法智

南公子教

秦徐義者高陸人也少奉法爲符堅尚書堅末兵革蜂起賊獲義將加戮害乃埋其兩足編髮於樹夜中專念觀世音有頃得眠夢人謂之曰今事亟矣何暇眠乎義便驚起見守防之士並疲而寢乃試自奮動手髮既解足

亦得脫因而遁去百餘步隱小叢草便聞追者交馳火炬星陳手繞此叢而竟無見者天明賊散歸投鄴寺遂得免之

秦畢覽東平人也少奉法隨慕容垂北征沒虜單馬逃竄虜追騎將及覽至心誦念觀世音既得免脫因入深山迷惑失道又專心歸念中夜見一道人法服持錫示以途徑遂得還路安隱至家

晉沙門竺法純山陰顯義寺主也晉元興中起寺行牆至蘭上買材路經湖道材主是婦人而應共至材所准許價直遂與同船俱行既入大湖日暮暴風波浪如山純船小水入命在瞬息念值行無福忽遇斯災又與婦人俱行其以固懼乃一心誦觀世音經俄有大

年忽感心氣疾病常存念觀世音乃夢見一人破腹洗腸窖便病愈傳亮每云吾先君與義公遊處而聞說觀世音神異莫不大小肅然矣

舟泛流趣純適時既入夜行旅已絕純自惟念不應有此流船疑是神力既而共渡乘之而此小船應時即沒大舟隨波鼓蕩俄得達其岸耳

晉沙門釋開達隆安二年登壘採甘草爲羨

冠七

五

所執時年大飢羌胡相噉乃置達柵中將食之先在柵者十有餘人羨日夕享俎唯達尚存自達被執便潛誦觀世音經不懈乎心及明日當見噉其晨始曙忽有大虎遙逼群羨奮怒號吼羨各駭怖逃走虎乃前嚙柵木得

成小闕可容人過已而徐去達初見虎嚙柵必謂見害既柵穿而不入心疑其異將是觀音力計度諸羨未應便及即穿柵逃走夜行晝伏遂得免脫

晉郭宣之太原人也義熙四年爲楊思平梁

州府司馬揚以輒害范元之等被法宣亦同執在獄唯一心歸向觀世音菩薩後夕將眠之際忽親覩菩薩光明照獄宣瞻覲禮拜祈請誓願久之乃沒俄而宣之獨被恩赦既釋依所見形製造圖像又立精舍焉後零陵衡

陽卒官

晉潘道秀吳郡人年二十餘爲軍糾主北爲征固旣而軍小失利秀竄逸被掠經數處作奴俘虜異域欲歸無因少信佛法恒志心念觀世音每夢寐輒見後旣南奔迷不知道於

窮山中忽覩真形如今行像因作禮禮竟豁然不覺失之乃得還路遂歸本土後精進彌篤年垂六十而亡

晉樂苟不知何許人也少奉法掌作福富平令先從征虜循值小失利船遭火垂盡賊亦

交逼正在中江風浪駭目苟恐怖分盡猶誦五七念觀世音俄見江中有一人挺然孤立腰與水齊苟心知祈念有感火賊已切便投水就之身旣浮涌脚以履地尋而大軍遣船迎接敗者遂得免濟

晉沙門釋法智爲白衣時嘗獨行至大澤中遇猛火四方俱起走路已絕便至心禮誦觀世音俄然火過一澤之草無有遺莖者六惟智所處容身不燒於是始乃敬奉大法後爲姚興將從征索虜軍退失馬落在圍裹乃隱

溝邊荆棘叢中得蔽頭復念觀世音心甚勤

至隔溝人遙喚後軍指令煞之而軍過搜覓輒無見者遙得免濟後遂出家

晉南公子教始平人也戍新平城爲佛佛虜兒長樂公所破合城數千人皆被誅害子教雖分必死而猶至心念觀世音既而次至子教群刃交下或高或僻持刀之人忽疲懈四晉劉度平原遼城人也鄉里有一千餘家並支不隨爾時長樂公親自臨刑驚問之子教聊爾答云能作馬鞍乃令原釋子教亦不知所以作此言時後遂得遁逸造小形像貯以

香函則頂戴也

晉孫道德益州人也奉道祭酒年過五十未有子息居近精舍景平中沙門謂德必願有兒當至心禮誦觀世音經此可冀也德遂罷不事道單心投誠歸觀世音少日之中而有

夢應婦即有孕遂以產男也

晉劉度平原遼城人也鄉里有一千餘家並奉大法造立形像供養僧尼值虜主木末時此縣嘗有逋逃未大怒欲盡滅一城衆並兒懼分必彌盡度乃潔誠率衆歸命觀世音頃

之未見物從空中下繞其所住屋柱驚視乃觀世音經使人讀之未大歡喜用省刑戮於此城即得免害

晉竇傳者河內人也永和中并州刺史高昌冀州刺史呂護各擢部曲相與不和傳爲昌所用作官長護遣騎抄擊爲所俘執同伴六七人共繫入一獄鎖械甚嚴冠日當斬之沙門支道山時在護營中先與傳相識聞其執厄出至獄所候視之隔戶共語傳謂山曰今日因厄命在漏刻何方相救山曰若能至心

歸請必有感應傳先亦頗聞觀世音及得山語遂專心屬念晝夜三日至誠自歸觀其鎖械如覺緩解有異於常聊試推盪忽然離體傳乃復至心曰今蒙哀祐已令桎梏自解而同伴尚多無心獨去觀世音神力普濟當令俱免言畢復牽挽餘人皆以次解落若有割剔之者遂開戶走出於警徼之間莫有覺者便踰城逕去時夜已向曉行四五里天明不復進共逃隱一榛中須臾覺失囚人馬絡繹四出尋捕焚草踐林無不至遍唯傳所隱一

畱許地終無至者遂得免還鄉里敬信異常咸皆奉法道山後過江爲謝居士敷具說其事

右十四驗
出冥祥記

宋張興者新興人也頗信佛法嘗從沙門僧融雲翼時受八戒興嘗爲劫所引夫得走逃妻坐繫獄掠笞積日時縣失火出囚路側會融翼同行經過囚邊妻驚呼闔梨何以賜救

鎖桎梏忽然俱解便走趣戶戶時猶閉警防殊嚴旣無由出慮有覺者乃還著械尋復得眠又夢向沙門曰戶已開矣妻覺而馳出守備者亟已停睡妻安步而去時夜甚闇行可數里卒值一人妻懼辟地已而相訊乃其夫也相扶悲喜夜投僧翼翼匿之遂得免時元嘉初也

融曰貧道力弱無救如何唯宜勤念觀世音麻獲免耳妻便晝夜祈念經十許日於夜夢一沙門以脚蹈之曰咄咄可起妻即驚起鉗

融曰貧道力弱無救如何唯宜勤念觀世音麻獲免耳妻便晝夜祈念經十許日於夜夢一沙門以脚蹈之曰咄咄可起妻即驚起鉗

宋琰稚年在交趾彼土有賢法師者道德僧也見授五戒以觀世音金像一軀見與供養形製異今又非甚古類元嘉中作鎔鑄殊工

似有真好琰奉以還都時年在韶亂與二弟常盡勤至專精不倦後治改弊廬無屋安設寄京師南澗寺中于時百姓競鑄錢亦有盜毀金像以充鑄者時像在寺已經數月琰晝寢夢見立于座隅意甚異之時日已暮即馳

卷上

九

迎還其夕南澗十餘軀像悉遇盜亡其後久之像於曛暮間放光顯照三尺許地金輝秀起煥然奪目琰兄弟及僕役同覩者十餘人于時幼小不即題記比加撰錄忘其日月是宋大明七年秋也至泰始末琰移居烏衣周

旋僧以此像權寓多寶寺琰時暫遊江都此僧仍適荆楚不知像處垂將十載常恐神寶與因俱絕宋升明末遊躡峽表經過江陵見此沙門迺知像所其年琰還京師即造多寶寺訪焉寺主愛公云無此哥像琰退慮此僧益浪將遂失此像深以惆悵其夜夢人見語云像在多寶愛公忘耳當爲得之見將至寺此人手自開殿見像在殿之東衆小像中的分明詰旦造寺具以所夢請愛公愛公乃爲開殿果見此像在殿之東如夢所覩遂得

像還時建元元年七月十三日也像今常自供養庶必永作津梁脩復其事有感深懷訟

此徵覲綴成斯記夫鏡接近情莫踰儀像瑞驗之發多自此興經云鎔斷圖續類形相者爰能行動及放光明今西域釋迦彌勒二像

輝用若冥蓋得相乎今華夏景措神應亟著

亦或當年辯生因會所感假憑木石以見幽異不必冠由於好而能然也故沉石浮深實聞聞吳之化塵金鴻液用舒彭宋之禍其餘銓示繁方雖難曲稽率其大哲允歸目從若

夫經塔顯効旨證亦同事非殊貫故繼其末右二驗出
冥祥記也

魏常山衛唐精舍釋道泰元魏末人夢人謂曰爾至某年當終於四十二矣泰寤懼之及至其年遇病甚憂悉以身資爲福有友人曰

余聞供養六十二億菩薩與一稱觀音福同

無異君何不至心歸依可必增壽泰乃感悟遂四日四夜專精不絕所坐帷下忽見光明從戶外而入見觀音足趺踝間金色朗照語泰曰汝念觀世音耶比泰褰帷頃便不復見

悲喜流汗便覺體輕所患悉愈聖力所加後
終延年

魏天平年中定州募士孫敬德造觀音像自
加禮敬後爲劫賊所引不勝拷楚妄承其死
將加斬決夢一沙門令誦救生觀世音經千
遍得脫有司執縛向市且行且誦臨刑滿千
刀斫自折以爲二段皮肉不傷三換其刀終
折如故視像項上有刀三迹以狀奏聞丞相
高歡表請免死勑寫其經廣布於世今謂高
王觀世音經自晉宋梁陳秦趙國國分十六

時經四百觀音地藏彌勒彌陀稱名念誦獲
得救者不可勝紀具諸傳錄故不備載
魏末魯郡釋法力未詳何人精苦有志勤營
塔寺欲於魯郡立精舍而材不足與沙彌明
琛往上谷乞麻是七一載將還行空澤中忽遇野
火車在下風恐無得免法力倦眠比寢而火
勢已及因舉聲稱觀未遑稱世音應聲風轉
焰尋滅安隱還寺又有沙門法智本爲白衣
獨行大澤猛火四面一時同至自知必死
乃合面於地專稱觀世音怪無火燒舉頭看

之一澤之草纖毫並燼唯智所伏僅容身耳
因此感悟捨俗出家又沙門道集於壽陽西
山遊行爲二賊所得縛繫在樹將欲殺之唯
念觀音守死不輟引刀屢斫皆無傷損劫賊
怖走集因得脫又沙門法禪山行逢賊危欲

害之唯念觀音挽弓射之放箭不得賊遂歸
誠投弓於地知是神人怖捨逃逝右二驗出
唐僧行遠

高僧傳
九真法

頌曰

釋化能仁 觀機降天 衆聖之上 實爲帝先

文養怡和 灑粹冲源 慈誨含識 善誘中玄
恩錦慧炬 燭我宵然 隨機變化孰識其年
望之遐舉 卽亦雲津 殿之以形 悼之以神
三乘旣弘 雙林遺身 假唱泥洹 正法常宣
敬法篇第七此有六部

述意部

聽法部

求法部

感福部

法師部

謗罪部

述意部第一

蓋聞寂然不動是則無象無言感而遂通所
以有名有教是以一四之句難聞三千之火

易入庶使凝寒靜夜朗月長宵獨處空閑吟

誦經典吐納宮商文字分明言味流美詞韻
相屬適衆人心利生物善^三使幽靈欣躍精
神悅豫久習純熟文義洞曉敬心殷誦至誠
冥感信知受持一偈福利弘深書寫一言功

^{名七}
^{十二}超數劫是以迦葉頂受靡悟剥皮薩陀心樂
無辭灑血此是甘露之初門入道之終德也

聽法部第二

如付法藏經云佛言一切衆生欲出三界生
死大海必假法船方得度脫法爲清涼除煩

惱熱法是妙藥能愈結病法是衆生真善知
識作大利益濟諸苦惱所以然者一切衆生
志性無定隨所染習近善則善近惡則惡若
近惡友便造惡業流轉生死無有邊際若近
善友起諸敬心聽受妙法必能今離三塗苦
惱由此功德受最勝樂華氏國王有一白象
能滅怨敵若人犯罪令象蹋殺後時象廐爲
火所燒移象近寺象聞比丘誦法句經偈云
爲善生天 爲惡入淵

象聞法已心便柔和起慈悲心後付罪人但

以鼻嗅舌舐而去都不肯殺王見斯已心大
惶怖即召諸臣共謀此事智臣白王此象近
寺必聞妙法是故爾耳今可移近屠肆處繫
王用其言象見屠殺惡心猛熾殘害更增是
以當知一切衆生志性無定畜生尚爾聞法
卷之十三
生慈見殺增害豈況於人而不染習是故智
者宜應覺知見惡須棄觀善宜近勤聽經法
等優婆塞言前徹過者此人生時聽受妙法
智慧高勝責其如此相與多價其半徹者雖
又於往昔有婆羅門持人髑髏其數甚多詣
華氏城中遍行街賣經歷多時都無買者時
婆羅門極大瞋恚高聲罵言此城中人愚癡

闇鈍若不就我買髑髏者我當與作惡名聞
也爾時城中諸優婆塞聞畏毀謗便將錢買
即以銅筋貫穿其耳若徹過者便與多價其
半徹者與價漸少都不通者全不與直婆羅
門言我此髑髏皆悉無異何故與價差別不
等優婆塞言前徹過者此人生時聽受妙法
聽經法未善分別故與少直全不通者此人
往昔都不聽法故不與價時優婆塞持此髑
髏往至城外起塔供養命終之後悉得生天

以是因緣當知妙法有大功德此優婆塞以聽法人觸體起塔而供養之尚得生天況能至心聽受經法供養恭敬持經人者此之福報實難窮盡未來必當成無上道是故智者欲得無上安隱快樂應當至心勤聽經法

賢愚經云昔佛在世時舍衛國中須達長者信敬佛法爲僧檀越衆僧所須一切供給須達家內有二鸕鷀一名律提二名賒律提稟性黠慧解人言語見比丘來先告家內令出迎送阿難後時到長者家見鳥聰黠爲說四

諦苦集滅道門前有樹二鳥聞法飛向樹上歡喜誦持夜在樹宿野狸所食緣此善根生四王天盡彼天壽生忉利天忉利壽盡生夜摩天夜摩壽盡生兜率天兜率壽盡生化樂天化樂壽盡生於第六他化自在天他化壽盡還生化樂如是次第還復下至四天王天卷七四天壽盡還復上至他化自在天如是上下經於七返生六欲天自恣受樂極天之壽而無中夭後時命終來生人中出家修道得辟支佛一名曇摩二名修曇摩

賢愚經云昔佛在世時有一比丘林中誦經音聲雅好時有一鳥聞法敬愛在樹而聽時爲獵師所射命終緣此善根生忉利天面貌端正光相暎然無有倫匹自識宿命知因比丘誦經聽法得生此中即持天華到比丘所禮敬問訊以天香華供養比丘比丘具問知其委曲即命令坐爲其說法得須陀洹既得果已還歸天上禽鳥聽法尚獲福報無邊豈況於人信心聽法寧無善報

池邊爲衆說法時彼池中有其一蛤聞佛池邊說法之聲即從池出入草根下聽佛說法時有一人持杖放牛見佛在坐爲衆說法即往佛所欲聞法故以杖刺地誤著蛤頭即便命終生忉利天以福報故宮殿縱廣十二由旬與諸天女瓦七娛樂受樂即乘宮殿往至佛所頭頂禮足佛知故問汝是何人忽禮我足神通光明相好無比照徹此間蛤天人以偈而答言

往昔爲蛤身 於水中覓食 聞佛說法聲

善見律論云昔佛在世時到瞻婆羅國迦羅

出至草根下 有一牧牛人 持杖來聽法
杖剝刺我頭 命終生天上
佛以蛤天人所說偈爲四衆說法是時衆中
八萬四千人皆得道迹蛤天人得須陀洹果
含笑而去

求法部第三

如雜寶藏經云昔有一女人聰明智慧深信
三寶常於僧次請二比丘就舍供養後時便
有一老比丘次到其舍年老根昧素無知曉
齋食訖已女人至心求請說法敷座頭前閉

目靜坐比丘自知不解說法趣其泯眼棄走
還寺然此女人至心思惟有爲之法無常苦
空不得自在深心觀察即時獲得須陀洹果
即得果已向寺求覓欲報其恩然此比丘自
審無知棄他逃走倍生慚恥轉復藏避而此
女人苦求不已方自出現女人見已具說蒙
得道果因緣齋供報恩老比丘聞甚大慚愧
深自愧責亦復獲得須陀洹果是故行者應
當至心精誠求法若至心者所求必獲
涅槃經云佛言我念過去作婆羅門在雪山

中修菩薩行時世無佛亦無經法時天帝釋觀見菩薩獨在山中修諸苦行即下試之自變其身作羅刹像甚可怖畏住菩薩前口說半偈

諸行無常 是生滅法

卷七

十六

說是偈已遍觀四方菩薩聞偈心生歡喜即說是偈已遍觀四方菩薩聞偈心生歡喜即從座起以手舉髮四向顧視不見餘人唯見羅刹即便往問大士何處得是半偈此半偈義乃是三世諸佛正道羅刹答言汝不須問我不食來已經多日處處求索了不能得飢

渴苦惱心亂謬語非我本心之所知也菩薩復語若能爲我說是偈竟我當終身爲汝弟子羅刹答言汝智太過但自憂身都不見念我今飢逼實不能說菩薩復語汝食何食羅刹答言我所食者唯人暖肉其所飲者唯人熱血菩薩聞已即語羅刹但能具足說是偈竟我當以身奉施供養羅刹答言誰當信汝羅刹即便往問大士何處得是半偈此半偈爲八字故棄所愛身菩薩答言我今有證梵釋四王諸佛菩薩能爲我證羅刹聞已勑聽許說菩薩歡喜即脫皮衣爲敷法座白言和

上願坐此座善爲我說羅刹即說生滅滅已寂滅爲樂說是偈已菩薩深思然後處處石壁道樹書寫此偈竟上高樹投身而下未至地頃時虛空中出種種聲爾時羅刹還復釋身接取菩薩安置平地懺悔辭謝頂禮而去

卷七
十七

緣爲半偈捨身因緣超十二劫在彌勒前成

佛說大涅槃經心中歡喜即欲供養貧無財物遂行賣身薄德不售即欲還家路見一人而復語言吾欲賣身君能買不其人答言我家作業人無堪者吾有惡病良醫處藥應當日服人肉三兩斤若能以身肉三兩日日見給便當與汝金錢五枚我時聞已歡喜語言惠我七日須我事訖便還相就其人答言聽涅槃經云佛言我念過去無量無邊那由他劫此娑婆世界有佛出世號釋迦牟尼爲衆生宣說大涅槃經我於爾時從善友所傳聞

涅槃經云佛言我念過去無量無邊那由他劫此娑婆世界有佛出世號釋迦牟尼爲衆生宣說大涅槃經我於爾時從善友所傳聞

如來證涅槃 永斷於生死 若能至心聽

常得無量樂

受是偈已至病人家雖復日日與肉三兩以
念偈故不以爲痛日日不廢足滿一月其人
病瘥瘡亦平復我時見身具足平復即發菩提
願未來世成佛之時亦願號字釋迦牟尼
以是因緣今得成佛

又集一切福德三昧經云昔過去久遠阿僧
祇劫有一仙人名曰最勝住山林中具五神
通常行慈心後作是念非但慈心能濟衆生
唯集多聞能滅衆生煩惱邪見能生正見念

已便詣城邑聚落處處推求說法之師時有
天魔來語仙言我今有佛所說一偈汝今若
能剥皮爲紙刺血爲墨析骨爲筆書寫此偈
當爲汝說最勝仙人聞已念言我於無量百
千劫中常以無事爲他割截受苦無量都無
利益我今當捨不堅之身易得妙法歡喜踊
躍即以利刀剥皮爲紙刺血爲墨析骨爲筆
三七合掌向天請說佛偈時魔見已愁憂憔悴即
便隱去仙人見已作如是言我今爲法不惜
身命剥皮爲紙刺血爲墨析骨爲筆爲衆生

故至誠不虛餘方世界有大慈悲能說法者
當現我前作是語時東方去此三十二刹有
佛國土名普無垢其國有佛號淨名王忽住
其前放大光明照最勝身苦痛即除平復如
故佛即廣爲說集一切福德三昧最勝聞法
得無礙辯佛說法已還沒不現最勝仙人得
辯才已爲諸衆生廣說妙法今無量衆生住
三乘道經千歲後而乃命終生淨名王普無
垢國由敬法故今得成佛佛告淨名昔最勝
者今我身是是以當知若有人能恭敬求法

佛於其人不入涅槃法亦不滅雖在異土常
面覩佛得聞正法

感福部第四

如普曜經云若有賢人聞是經典叉手自歸
即捨八事懈怠之本成八功德何謂爲八一
卷七
得端正好色二得力勢強盛三得眷屬滋茂
四逮得辯才無量五學疾得出家六所行清
淨七得三昧定八得智慧明無所不照若有
法師布座諷誦是經得八座福何謂爲八一
得長者座二得轉輪王座三得天帝座四得

自在天座五得羅漢座六得菩薩座七得如來座八得轉法輪度脫一切衆生座若有法師頒宣是法有讚歎善哉者當得八清淨行何謂爲八一言行相應無所違失二口言至誠而無虛妄三在於衆會真諦無欺四所言

人信不捨遠之五所言柔軟初無麁擴六其聲悲和猶如哀鸞七身心隨時音聲如梵會中人聞莫不諮受八音響如佛可衆生心若有書是經典得八大藏何謂爲八一得意藏未曾妄捨二所得心藏無所不解分別經法

三得往來藏普解一切諸佛經法四得總持藏一切所聞皆能識念五得辯才藏爲諸衆生頒宣經典皆歡喜受六甚深法藏將護正法七道意法藏未曾斷絕三寶法教八奉行法藏則輒達得無所從生忍

又華嚴經云善男子假使有人以大海等墨須彌聚筆書寫此經一一品一一法門一方便一一法門一一句中義味猶不能盡又大乘莊嚴論云諸菩薩於大乘法有十種正行一書寫二供養三流傳四聽受五轉讀

六教化七習誦八解說九思擇十修習此十
正行能生無量功德

又中邊分別論云大乘修行有十一書寫二
第十七供養三施與他四若他讀誦一心聽聞五自
讀六自如理取名味句及義七如道理及名
句味顯說八正心聞誦九空處如理思量十
已入意為不退失故

又菩薩藏經云復次舍利子是善男子善女
人等受持是經殷重聽聞讀誦解義乃至為
他廣分別說當知是人復得如是十種功德

稱讚利益何等為十一者成就機速慧二者
成就捷辯慧三者成就猛利慧四者成就迅
疾慧五者成就廣博慧六者成就甚深慧七
者成就通達慧八者成就無著慧九者常現
前見一切如來既得見已以清美頌而為讚
歎十者善能如理請問如來又能如理開釋
疑難舍利子是名獲得十種功德稱讚利益
復次舍利子是善男子善女人等受持是經
讀誦解義乃至為他廣分別說當知是人復
得如是十種功德稱讚利益何等為十一者

常樂遠離諸不善友二者常樂親近諸善知識三者能緩諸魔所有繫縛四者摧殄諸魔所有軍陣五者善能訶厭一切煩惱六者於一切行心恒捐捨七者違背一切向惡趣道八者歸向一切趣涅槃道九者善說一切越度生死清淨之施十者巧能隨學一切菩薩

卷七

十一

又度無極集經云昔有比丘精進守法所可諷誦是般若波羅密其有聞者莫不歡喜有一小兒歟年七歲城外牧羊遙聞比丘誦經聲即詣精舍禮拜聽其經言時說色空聞即悟解便問比丘應答不可小兒反爲比丘解說其義昔所希聞怪此小兒智慧非凡時小兒即去逐牛至山值一虎害此小兒命終生長者家夫人懷姪口便能說般若波羅密從朝至夜初不懈息其長者家怪此夫人謂呼鬼病有比丘至舍聞聲甚喜比丘報言此非

又涅槃經云法是佛母佛從法生三世如來皆供養法也

鬼病但說尊經夫人出禮比丘復爲說法諸
有疑難不能及者盡爲解說衆僧歡喜日月
滿足產得男兒適生又手長跪說波羅密夫
人產已還復如本比丘言真佛弟子好養護
之此兒後大當爲一切衆人作師吾等悉當

從其啓受時兒七歲道法悉備舉衆超絕智
度無極經中誤脫皆爲刪定兒母所至輒開
化人長者室家大小五百人衆皆從兒學八
萬四千人皆發無上正真道意五百比丘聞
兒所說盡漏意解志求大乘得法眼淨是時

兒者則吾身是比丘者迦葉佛是

又舍利弗處胎經云母懷舍利弗母亦聰明
高僧傳云母懷羅什令母聰明舊日誦千偈
懷胎已日得二千偈初成須陀洹果後得斯
陀含果

法師部第五

卷七

廿二

如勝天子經云若有法師流通此經處此地
即是如來所行於彼法師當生善知識心尊
重之心猶如佛心見是法師恭敬歡喜尊重
讚歎又云我若住世一劫若減一劫說是流

通此經法師功德不能究盡若此法師所行之處善男子善女人宜應刺血灑地令塵不起如是供養未足爲多如來法輪難受持故

又華嚴經云譬如金翅鳥王飛行虛空安住虛空以清淨眼觀察大海龍王宮殿奮勇猛力以左右翅搏開海水悉令兩闢知龍男女有命盡者而攝取之如來應供等正覺金翅鳥王亦復如是安住無礙虛空之中以清淨眼觀察法界諸宮殿中一切衆生若有善根已成熟者奮勇猛十力止觀兩翅搏開生死

大愛海水隨其應出生死大海除滅一切妄想顛倒安立如來無礙之行

又涅槃經云若有善男子善女人聞是經名生四惡趣者無有是處若有衆生一經耳者悉能滅除一切諸惡無間罪業又云若有衆生一經耳者却後七劫不墮惡道又云若有一經耳者却後七劫不墮惡道又云若有人知如來常住無有變異或聞常住二字音聲一經於耳即生天上後解脫時乃能證知如來常住無有變易

又華嚴經云若聞一句未曾聞法勝得三千

大千世界珍寶是菩薩得聞一偈正法生上
財想勝得轉輪聖王位

又法華經云若善男子善女人受持是法華
經若讀若誦若解說若書寫是人當得八百
眼功德千二百耳功德八百鼻功德千二百

舌功德八百身功德千二百意功德

又涅槃經云我涅槃後若有得聞如是大乘
微妙經典生信敬心當知是等於未來世百
千億劫不墮惡道又云若有於一恒河沙佛
所發心然後乃能於惡世中不謗是法愛樂

是典不能爲人分別廣說若有二恒河沙佛
所發心然後乃能於惡世中不謗是法正解
信樂受持讀誦亦不能爲他人廣說若有於
三恒河沙佛所發心然後乃能於惡世中不
謗是法乃至書寫經卷雖爲他說未解深義
若有於四恒河沙佛所發心然後乃能於惡
世中不謗是典乃至書寫經卷爲他廣說十
六分中一分之義若有於五恒河沙佛所發
心乃至於惡世中爲人廣說十六分中八分
之義若有於六恒河沙佛所發心乃至於惡

世中爲他廣說十六分中十二分義若於七
恒河沙佛所發心乃至於惡世中爲他廣說
十六分中十四分義若有於八恒沙佛所發
心乃至於惡世中書寫經卷亦勸他人令得
書寫自能聽受亦勸他人令解聽受如說修
第十七行具足能解盡其義味

謗罪部第六

惟今末世法逐人訛道俗相濫傳謬背真混
雜同行不修內典專事俗書縱有抄寫心不
至殷既不護淨又多舛錯共同止宿或處在

門簷風雨蟲寓都無驚懼致使經無靈驗之
功誦無救苦之益寔由造作不殷亦由我人
逾慢也故敬福經云善男子經生之法不得
顛倒一字重點五百世中墮迷惑道中不聞
正法又大集經云若有衆生於過去世作諸
惡業或毀於法或謗聖人於說法者爲作障
礙或抄寫經法洗脫文字或損壞他法或闇
藏他經由此業緣今得盲報又大般若經第四百四十一云佛言諸善男子善女人等書寫般若
波羅密多甚深經時頻申欠呴無端戲笑互

相輕凌身心躁擾文句倒錯迷惑義理不得滋味橫事歛起書寫不終當知是爲菩薩魔事又大乘蓮華藏經云受佛禁戒不護將來各言我是於大乘法亦如冥夜各自說言我得佛法受鐵鎗地獄苦事難述從地獄出瘡

冠七

廿五

瘡聾盲不見正法阿難請戒律論云僧尼白衣等因讀經律論等行語手執翻卷者依忉利天歲數犯重突吉羅傍報二億歲墮猪狗中生若得人身一億歲恒常作客柄屑不得自在又大品經云是人毀訾三世諸佛一切智起破法業因緣集故無量百千萬億歲墮大地獄中是破法人輩從一大地獄至一大地獄若火劫起時至他方大地獄中生在彼間從一大地獄至一大地獄彼間若火劫起時復至他方大地獄中生在彼間從一大地獄至一大地獄如是遍十方獄彼間若火劫起故從彼死破法業因緣未盡故還來是

歲數八百歲犯重突吉羅傍報二億歲墮猪狗中生若得人身一億歲恒常作客柄屑不得自在又大品經云是人毀訾三世諸佛一切智起破法業因緣集故無量百千萬億歲墮大地獄中是破法人輩從一大地獄至一大地獄若火劫起時至他方大地獄中生在彼間從一大地獄至一大地獄彼間若火劫起時復至他方大地獄中生在彼間從一大地獄至一大地獄如是遍十方獄彼間若火劫起故從彼死破法業因緣未盡故還來是

間大地獄中生在此間亦從一大地獄至一大地獄受無量苦此間火劫起故復至十方他國土生畜生中受破法罪業苦如地獄中說重罪轉薄或得人身生盲人家生旃陀羅家生除廁擔死人種種下賤家生若無眼若一眼若瞎眼無舌無耳無手所生之處無佛無法無佛弟子處生何以故種破法業積集

終之後人所輕賤顏貌醜陋資生艱難常不
供足雖復少得麤澁弊惡常處貧窮下賤誹
謗正法邪見之家若迫終時或值荒亂刀兵
競起帝王暴虐怨家讐詰之所侵逼雖有善
友而不遭遇資生所須而不能得雖少得利
常爲飢渴唯爲凡下之所顧識國王大臣悉
不齒錄設復聞其有所宣說正使是理終不
信受如是之人如折翼鳥不能飛行是人亦
爾於未來世不能得至人天善處若復有人
能信如是大乘經典本所受形雖復麤陋以

又涅槃經云若有不信是經典者現世當爲無量病苦之所惱害多爲衆生所見罵辱命

經功德即便端正威顏色力日更增多常爲人天之所樂見恭敬愛戀情無捨離國王大臣及家親屬聞其所說悉皆敬信若我聲聞弟子之中欲行第一希有事者當爲世間廣宣如是大乘經典善男子譬如霧露勢雖欲住不過日出日既出已消滅無餘善男子是諸衆生所有惡業亦復如是住世勢力不過得見大涅槃日是日既出悉能除滅一切惡業

又法華經云若佛在世若滅度後其有誹謗
教傳三藏 慈訓八因 含情普洽 機悟玄津
威揚夏烈 温柔暉春 枯槁日久 光潤爽神
卷即納福 舒即慧申 思之不已 惟益惟新

說其罪窮劫不盡
頌曰

實稱慈父 巧號能仁 周孔老教孰與陶鈞

法苑珠林卷第十七

音釋

秣莫葛切 懇莫候切 褒薄苦瓦切 褛褶
陵陵地名 虜虜郎古切 齏齏田聊切 齏齏始切 褒褒切
騎也 褐獲也 齏齏也 齏齏也 褒褒切
也也 八八切 蛤蛤古沓切 齏齏也 褒褒切
慧也 蟅蚌屬 翳覩初衛切 齏齏也 褒褒切